

NO. SOALAN: 31

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

DARIPADA : DATUK HAJAH NORAH BINTI ABD RAHMAN

TARIKH : 10 NOVEMBER 2016

RUJUKAN : 9376

SOALAN:

Datuk Hajah Norah binti Abd Rahman [Tanjung Manis] minta MENTERI DALAM NEGERI menyatakan sama ada Kementerian dapat mempertimbangkan sekali lagi untuk membangun sebuah Balai Polis di Pulau Brui, Tanjung Manis memandangkan Balai Polis terdekat berada dua jam dari Pulau tersebut.

JAWAPAN:

Tuan Yang di-Pertua,

Isu keselamatan di Pulau Bruit, Tanjung Manis, Sarawak terletak di bawah bidang kuasa pentadbiran Ibu Pejabat Polis Daerah (IPD) Matu-Daro manakala Balai Polis yang terhampir dengan pulau ini adalah Balai Polis Daro (perjalanan menggunakan bot menyusuri sungai selama dua jam).

Pihak Polis Diraja Malaysia (PDRM) mengambil maklum dan mengakui bahawa terdapat keperluan yang amat mendesak bagi pewujudan Balai Polis di Pulau Bruit dan tindakan susulan untuk merealisasikan pembangunan di kawasan ini sedang dilakukan. PDRM menjangkakan perancangan projek ini akan disenaraikan dalam Rancangan Malaysia Kesebelas (RMKe-11), *Rolling Plan Ketiga (RP-3)*, Tahun 2018 bagi program pembangunan fizikal.

Perancangan projek ini penting dalam usaha PDRM memenuhi aspirasi dan harapan penduduk sekitar dalam menjaga keamanan serta keselamatan setempat.